

عيد العمال

فـ عيدك يا عامل
جيت أهني وأبارك
كيف حالك وإيه عامل
بدعينك ربي يبارك
إياك تقول راحت الصحة
أو الفلوس كمان شحة
أو وانت بتنادي بحقك
صوتك يامسكين جاله بحه
فـ عيدك يا عامل
بالحب . الكل معاك بيتعامل
فلازم تحس بالفرحة
وحقك واخده بالكامل
وصوتك أكيد . راح مـ الكحة
فا إبسط وإضحك يالآ ياعم
وإياك تطالب بالتغيير
ده إنت تبقى ما عندك دم

ومكفأتك. شهادة تقدير
ولو ف العسل حاطولك سم
إشرب طوالي ومن غير تبرير
ولازم لما يطلبوا منك دعم
دعمهم علطول من غير تفكير
وإشرب ألوان من المرار والهم
وإنسى خالص ميدان التحرير